



Parlamentarni vojni povjerenik BiH učestvovao na 8. međunarodnoj konferenciji institucija ombudsmena za oružane snage

Parlamentarni vojni povjerenik BiH Boško Šiljegović učestvovao je na 8. međunarodnoj konferenciji institucija ombudsmena za oružane snage, koja je, u zajedničkoj organizaciji Ženevskog centra za demokratsku kontrolu oružanih snaga (DCAF), Evropske organizacije vojnih udruženja i sindikata te Ureda za demokratske institucije i ljudska prava pri Organizaciji za evropsku sigurnost i saradnju, održana od 2. do 5. oktobra 2016. u Amsterdamu.

Prvog dana Konferencije razmatrane su teme koje se odnose na zaštitu ljudskih prava pripadnika oružanih snaga država učesnica. Drugi dan bio je posvećen iskustvima ombudsmena u radu s pripadnicima oružanih snaga angažiranim u međunarodnim mirovnim misijama. U završnom dijelu Konferencije pažnja je bila usmjerena na identifikaciju prepreka s kojima se ombudsmeni susreću u postupku zaštite ljudskih prava pripadnika oružanih snaga, kao i na utvrđivanje preporuka za njihovo prevazilaženje.

Pored redovnih aktivnosti predviđenih programom Konferencije, parlamentarni vojni povjerenik BiH Boško Šiljegović imao je i nekoliko sastanaka s predstavnicima institucija ombudsmena za oružane snage zemalja učesnica.